

Պայմանագիր No 02
Սուբսիդիա տրամադրելու մասին

ք. Երևան

«15» «հունվարի» 2015թ.

«Հայաստանի Հանրապետության կառավարության աշխատակազմ» պետական կառավարչական հիմնարկը (այսուհետ «Աշխատակազմ»)՝ ի դեմս Աշխատակազմի ղեկավար-նախարար Դավիթ Հարությունյանի, որը գործում է Աշխատակազմի կանոնադրության հիման վրա՝ մի կողմից և «Տնտեսական բարեփոխումների վերլուծական-տեղեկատվական կենտրոն» ՊՈԱԿ-ը (այսուհետ «Կենտրոն»)՝ ի դեմս տնօրեն Տիգրան Աբրահամյանի, որը գործում է Կենտրոնի կանոնադրության հիման վրա, մյուս կողմից ՀՀ կառավարության 2003թ. դեկտեմբերի 24-ի թիվ 1937-Ն որոշումով հաստատված կարգի համաձայն և հիմք ընդունելով «Հայաստանի Հանրապետության 2015թ. պետական բյուջեի մասին» ՀՀ օրենքով նախատեսված բյուջետային ծախսերի 08 բաժնի, 03 խմբի, 01 դասի, 07 «Տնտեսական վերլուծությունների ծառայություններ» ծրագիրը կնքեցին սույն պայմանագիրը հետևյալի մասին.

1. Պայմանագրի առարկան

Սույն պայմանագրով «Հայաստանի Հանրապետության 2015թ. պետական բյուջեի մասին» ՀՀ օրենքով նախատեսված բյուջետային ծախսերի 08 բաժնի, 03 խմբի, 01 դասի, 07 «Տնտեսական վերլուծությունների ծառայություններ» ծրագրով Աշխատակազմին նախատեսված 191 238 300 (հարյուր իննսունմեկ միլիոն երկու հարյուր երեսունութ հազար երեք հարյուր) ՀՀ դրամի սուբսիդիա է տրամադրվում Կենտրոնին, որի շրջանակներում «Կենտրոնը» կատարում է տնտեսական վերլուծություններ ու ուսումնասիրություններ, ՀՀ կառավարության գործունեությունը լուսաբանող «Հրապարակում» հեռուստածրագրի պատրաստում, պաշտոնական միջոցառումների նկարահանումներ ու արխիվացում, ԶԼՄ մոնիտորինգ, հասարակություն-կառավարություն կապի ապահովում ԶԼՄ-ների և սոց.ցանցերի հրապարակումներով:

2. Կողմերի պարտականությունները և իրավունքները

2.1. «Կենտրոն»-ը պարտավոր է .

2.1.1. ՀՀ կառավարության կողմից իրականացվող գործունեության լուսաբանում հեռուստահաղորդումների միջոցով: Հանրային հեռուստատեսության եթերում հեռարձակվող «Հրապարակում» հեռուստահաղորդաշարի թողարկումներ, ՀՀ վարչապետի այցերի և հանդիպումների, ՀՀ կառավարությունում տեղի ունեցող միջոցառումների նկարահանում, տեսագրված նյութերի արխիվացում, հանրապետական տարբեր հեռուստաընկերություններին ըստ անհրաժեշտության օպերատիվ տեսագրված նյութերի տրամադրում հեռուստաընկերություններին:

Տարվա ընթացքում 58 հաղորդում, մեկ հատի միջինացված գինը՝ 727 586 դր.

Ընդամենը՝ 42 200 000 դրամ, այդ թվում՝

2.1.2. ՀՀ կառավարության ինտերնետային էջի խմբագրական, կազմակերպական, ծրագրային սպասարկման աշխատանքների իրականացում, տեղադրվող նյութերի թարգմանությունների ապահովում, հայերենից անգլերեն և ռուսերեն լեզուներով ամենամսյա (ընթացիկ) թարգմանություններ, ռուսերենից հայերեն թարգմանություններ, լուսանկարահանումների իրականացում և տեղադրում:

Տարվա 12 ամիսների ընթացքում, մեկ ամսվա միջինացված գինը՝ 1 973 750 դրամ:

Ընդամենը՝ 23 685 000 դրամ, այդ թվում՝

2.1.3. Հեռուստահաղորդումների, էլ.կայքերի, հանրապետական թերթերի, սոցիալական ցանցերի շուրջօրյա մշտադիտարկում, տեղեկատվության մշակում, վերլուծություն և ռիսկերի կառավարում: Համապատասխան աշխատանքային տեղեկանքների տրամադրում ՀՀ վարչապետին և ՀՀ կառավարության աշխատակազմ: Անգլալեզու ու ռուսալեզու լրատվանիջոցների մշտադիտարկում և համապատասխան տեղեկանքների պատրաստում: Լրատվական նյութերի ու վերլուծությունների պատրաստում և գետեղում ԶԼՄ-ներում ու սոցիալական ցանցերում:

Ընդամենը 8 400 վերլուծական նյութ, մեկ միավորի միջինացված գինը՝ 9 925.7 դր., ներառյալ աշխատավարձերը, տնտեսական և այլ ծախս:

Ընդամենը՝ 83 376 000 դր:

2.1.4. ՀՀ կառավարության գործունեության լուսաբանում հանրապետական և մարզային ԶԼՄ-ներում: Սոցիալական ցանցերում ՀՀ կառավարության գործունեության լուսաբանում ինչպես գրառումների զետեղմամբ, տարածմամբ՝ այնպես էլ անցանկալի գրառումների հակադարցմամբ: ՀՀ կառավարության գործունեության և իրականացված ծրագրերի լուսաբանում, մարզային հաղորդումների պատրաստում և մարզային հեռուստաընկերությունների միջոցով հեռարձակում:

Մեկ տարվա ընթացքում՝ 1800 հրապարակում, մեկ միավորի միջինացված գինը՝ 23 320,7 դրամ, ներառյալ աշխատավարձերը, տնտեսական և այլ ծախսերը: Ընդամենը՝ 41 977 300 դրամ:

2.1.5. Ներկայացնել «Աշխատակազմ» կատարված բյուջետային ծախսերի և բյուջետային պարտքերի մասին եռամսյակային հաշվետվություններ, ՀՀ ֆինանսների և էկոնոմիկայի նախարարի 2008 թվականի փետրվարի 4-ի N 80-Ն հրամանով հաստատված Հ-2 օրինակելի ձևին, ՀՀ ֆինանսների նախարարի 2013 թվականի փետրվարի 4-ի N 104-Ն հրամանով հաստատված Ձև N1, Ձև N2, Ձև N3 և Ձև N4 օրինակելի ձևերին և «Հաշվետվության ծրագրերի իրականացման աստիճանը բնորոշող ֆինանսական և ոչ ֆինանսական ցուցանիշների կատարման մասին» ՀՀ ֆինանսների և էկոնոմիկայի նախարարի 2007 թվականի մարտի 28-ի N 324-Ն հրամանով հաստատված ԱՀ-1 օրինակելի ձևին համապատասխան, յուրաքանչյուր եռամսյակի ավարտից հետո 12 օրյա ժամկետում:

2.2. «Կենտրոն» - ը իրավունք ունի.

2.2.1. Սույն պայմանագրի 3-րդ կետում նշված ժամկետում և կարգով «Աշխատակազմ»-ից ստանալու ՀՀ պետ.բյուջեից հատկացվող գումարը:

2.3. «Աշխատակազմ» - ը պարտավոր է.

2.3.1. Պայմանագրի շրջանակներում մատուցվող ծառայությունների կատարման ընթացքում անհրաժեշտ աջակցություն և օժանդակություն ցուցաբերել «Կենտրոն»-ին:

2.4. «Աշխատակազմ» - ը իրավունք ունի.

2.4.1. Պահանջել «Կենտրոն»-ից սույն պայմանագրի 2.1.5 ենթակետում նշված ժամկետում ներկայացնել հաշվետվություն:

2.4.2. Ցանկացած ժամանակ լուծել կամ փոփոխել սույն պայմանագիրը՝ այդ մասին 15 օր առաջ գրավոր ծանուցելով Կենտրոնին, եթե պարզվի, որ վերջինս չի կատարում սույն պայմանագրի որևէ պայման:

3. Վճարումների կարգը

3.1 2015 թվականի ՀՀ պետական բյուջեով հատկացվող պետական աջակցության առավելագույն չափը կազմում է 191 238 300 (հարյուր իննսունմեկ միլիոն երկու հարյուր երեսունութ հազար երեք հարյուր) ՀՀ դրամ:

3.2 «Աշխատակազմ»-ը 3.1 կետում նշված գումարը «Հայաստանի Հանրապետության 2015թ. պետական բյուջեի մասին» ՀՀ օրենքի համաձայն փոխանցում է Կենտրոնի հաշվին համամասնորեն՝ ամսական կտրվածքով, ոչ ուշ քան տվյալ ամսվա 10-ը, բացառությամբ հունվար ամսվա սահմանված գումարը, որը կփոխանցվի մինչև 2015 թ. հունվարի 25-ը:

4. Կողմերի պատասխանատվությունը

4.1 Սույն պայմանագրով սահմանված պայմանների չկատարման դեպքում կողմերը պատասխանատվություն են կրում ՀՀ օրենսդրությամբ սահմանված կարգով:

5. Այլ պայմաններ

5.1 Սույն պայմանագրում ցանկացած փոփոխություն և լրացում վավեր է այն պայմանով, եթե դրանք կատարված են գրավոր և ստորագրված են կողմերի կամ նրանց լիազոր ներկայացուցիչների կողմից:

5.2 Սույն պայմանագիրը իրավաբանական ուժ է ստանում կնքման պահից և դադարում է պատշաճ կատարմամբ:

5.3 Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմի մոտ գտնվում է պայմանագրի մեկ օրինակ:

«Հայաստանի Հանրապետության կառավարության աշխատակազմ» պետական կառավարչական հիմնարկ ք. Երևան, Հանրապետության Հրապարակ, Կառավարական շենք 1 ՀՀ ՖՆ գործառնական վարչություն
Հ/Հ 90000 11022226
ՀՎՀՀ 02505554
ՀՀ կառավարության աշխատակազմի ղեկավար-նախարար

Դ.Հարությունյան



«Տնտեսական բարեփոխումների վերլուծական-տեղեկատվական կենտրոն» պետական ոչ առևտրային կազմակերպություն ք. Երևան, Հանրապետության Հրապարակ, Կառավարական շենք 1, 4-րդ մասնաշենք
Կոնվերսանկ 19300 00438960100
ՀՎՀՀ 00833792
Տնօրեն

Ս.Աբրահամյան

